

Izveštaj sa Simpozija u Neumu

U organizaciji Federalne uprave za geodetske i imovinsko - pravne poslove, u periodu od 7.- 9. oktobra 1999. godine u Neumu je održan simpozij :

STANJE I STRATEGIJA RAZVOJA GEODETSKE DJELATNOSTI.

Generalni pokrovitelj skupa bio je predsjednik Federacije Bosne i Hercegovine Ivo Andrić- Lužanski.

Prema procjeni organizatora u radu skupa učešće je uzelo preko 300, uglavnom geodetskih stručnjaka, od kojih je znatan broj bio sa područja Republike Srpske.

Tokom Simpozija izlaganja su bila podijeljena u dvije cjeline:

1. Organizacija geodetske djelatnosti
2. Moderne tehnologije u razvoju geodezije

Tokom zajedničke večere sudionici skupa mogli su uz druženje razmijeniti vlastita iskustva, te mišljenja o temama koje su se mogle čuti tokom Simpozija. Simpoziju su prisustvovali gosti iz Republike Hrvatske, Slovenije, Austrije i Njemačke, te predstavnici međunarodnih organizacija kao što su MOL Konferencija, CRPC, MAK BiH i sl.

Simpozij je završen tzv. okruglim stolom na kojem su se mogla čuti i neka mišljenja koja su bila u koliziji sa onima iznesenim prethodnog dana. Skup je bio praćen i izložbom geodetskih instrumenata i opreme predstavnika više proizvođača istih.

Eldin Donlagić